
OFFERYNNAU STATUDOL CYMRU

2016 Rhif 843 (Cy. 213)

**Y DIWYDIANT DŴR, CYMRU A LLOEGR
FFIOEDD A THALIADAU, CYMRU A LLOEGR**

**Gorchymyn Ansawdd a Chyflenwad Dŵr
(Ffioedd) (Ymgymrwyr sy'n Gyfan
Gwbl neu'n Bennaf yng Nghymru) 2016**

<i>Gwnaed</i>	- - - -	9 Awst 2016
<i>Gosodwyd gerbron Cynulliad</i>		
<i>Cenedlaethol Cymru</i>	- -	17 Awst 2016
<i>Yn dod i rym</i>	- -	8 Medi 2016

Mae Gweinidogion Cymru yn gwneud y Gorchymyn a ganlyn drwy arfer y pwerau a roddir iddynt gan adran 86ZA(2) a (4) o Ddeddf y Diwydiant Dŵr 1991(1).

Enwi a chychwyn

1. Enw'r Gorchymyn hwn yw Gorchymyn Ansawdd a Chyflenwad Dŵr (Ffioedd) (Ymgymrwyr sy'n Gyfan Gwbl neu'n Bennaf yng Nghymru) 2016 a daw i rym ar 8 Medi 2016.

Dehongli

2. Yn y Gorchymyn hwn—

ystyr “arolygydd” (“*inspector*”) yw person a benodir o dan adran 86(1) o Ddeddf 1991 (aseswyr gorfodi ansawdd dŵr)(2);

ystyr “cyflenwr dŵr perthnasol” (“*relevant water supplier*”) yw—

(a) cwmni a benodwyd yn ymgymwrwr dŵr(3) y mae ei ardal yn gyfan gwbl neu'n bennaf yng Nghymru; neu

(1) 1991 p. 56. Mewnosodwyd adran 86ZA gan adran 40 o Ddeddf Dŵr 2014 (p. 21).

(2) Diwygiwyd adran 86(1) gan adrannau 56, 57 a 101 o Ddeddf Dŵr 2003 (p. 37) ac Atodlenni 7, 8 a 9 iddi. Trosglwyddwyd swyddogaethau'r Ysgrifennydd Gwladol o dan adran 86 (ac eithrio is-adran (1A)) i Gynulliad Cenedlaethol Cymru o ran Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) (“Gorchymyn 1999”). Trosglwyddwyd y pŵer i benodi arolygwyr o dan adran 86 i'r Cynulliad i'r un graddau ag y mae'r pwerau, y dyletswyddau a'r darpariaethau eraill y mae adran 86 yn gymwys iddynt yn arferadwy gan y Cynulliad gan erthygl 2 o Orchymyn 1999. Yn rhinwedd adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddo, mae swyddogaethau a roddwyd i'r Cynulliad yn arferadwy bellach gan Weinidogion Cymru.

(3) Fel y'i diffinnir yn adran 6 o Ddeddf 1991.

- (b) cwmni sy'n ddeiliaid trwydded cyflenwi dŵr o fewn ystyr adran 17A o Ddeddf 1991⁽⁴⁾ (trwyddedu cyflenwyr dŵr) sy'n defnyddio system gyflenwi⁽⁵⁾ ymgymerwr dŵr y mae ei ardal yn gyfan gwbl neu'n bennaf yng Nghymru;
ystyr "Deddf 1991" (*"the 1991 Act"*) yw Deddf y Diwydiant Dŵr 1991.

Ffioedd

3.—(1) Caiff y Prif Arolygydd Dŵr Yfed⁽⁶⁾ godi ffi ar gyflenwr dŵr perthnasol, a honno'n daladwy pan geir anfoneb ar ei chyfer, am arfer y swyddogaethau yng ngholofn 1 o'r tabl yn yr Atodlen gan arolygydd.

(2) Pennir y ffi a godir o dan baragraff (1) yn unol â'r ffi a restrir mewn perthynas â'r swyddogaeth honno yng ngholofn 2 o'r tabl yn yr Atodlen.

(3) Os arferir swyddogaeth a bennir ym mharagraffau (b), (c) neu (d) yng ngholofn 1 o'r tabl yn yr Atodlen gan fwy nag un arolygydd, rhaid agregu'r amser a dreuliwyd gan bob arolygydd at ddiben cyfrifo swm y ffi sy'n daladwy.

Dirymu ac arbedion

4.—(1) Mae Gorchymyn Cyrff Cyhoeddus (Cyflenwad Dŵr ac Ansawdd Dŵr) (Ffioedd Arolygu) 2012⁽⁷⁾ ("Gorchymyn 2012") wedi ei ddirymu.

(2) Mae Gorchymyn 2012 yn parhau i gael effaith mewn perthynas ag arfer swyddogaeth a restrir yng ngholofn 1 o'r tabl yn yr Atodlen i'r Gorchymyn hwnnw gan arolygydd cyn 8 Medi 2016.

9 Awst 2016

Lesley Griffiths
Ysgrifennydd y Cabinet dros yr Amgylchedd a
Materion Gwledig, un o Weinidogion Cymru

(4) Mewnosodwyd adran 17A gan adran 56 o Ddeddf Dŵr 2003, ac Atodlen 4 iddi. Diwygiwyd hi wedyn gan adran 1 o Ddeddf Dŵr 2014, ond nid yw pob un o'r diwygiadau wedi eu cychwyn.

(5) *Gweler* adran 17B(5) o Ddeddf 1991 am ystyr "supply system" ("system gyflenwi") ymgymerwr dŵr y mae ei ardal yn gyfan gwbl neu'n bennaf yng Nghymru. Mewnosodwyd adran 17B gan adran 56 o Ddeddf Dŵr 2003 ac Atodlen 4 iddi. Mae adrannau 2, 5 a 56 o Ddeddf Dŵr 2014 ac Atodlenni 5 a 7 iddi yn gwneud diwygiadau pellach i adran 17B sydd wedi eu cychwyn yn rhannol.

(6) *Gweler* adran 86(1B) am ystyr "Chief Inspector of Drinking Water" ("Prif Arolygydd Dŵr Yfed").

(7) *O.S. 2012/3101 (Cy. 314)*.

YR ATODLEN

Erthygl 3

Y FFI OEDD AM ARFER SWYDDOGAETHAU O DAN
ADRAN 86 O DDEDDF Y DIWYDIANT DŴR 1991

Tabl

<i>I</i>	<i>2</i>
<i>Y Swyddogaeth</i>	<i>Y Ffi</i>
(a) Gwirio bod y trefniadau samplu a dadansoddi ar gyfer samplau dŵr a gesglir gan y cyflenwr dŵr perthnasol yn cydymffurfio â'r canlynol—	£55 am bob grŵp o 100 o ganlyniadau samplau dŵr a geir ac a wirir.
(i) Rheoliadau Cyflenwi Dŵr (Ansawdd Dŵr) 2010 ⁽⁸⁾ ;	
(ii) adran 68 o Ddeddf 1991 (dyletswyddau ymgwymerwyr dŵr a thrwyddedeion chyflenwyr dŵr mewn cysylltiad ag ansawdd dŵr) ⁽⁹⁾ ; a	
(iii) unrhyw ofynion am ddata sampl y mae'n ofynnol eu darparu o dan adran 202 o Ddeddf 1991 (dyletswyddau ymgwymerwyr i roi gwybodaeth i'r Ysgrifennydd Gwladol) ⁽¹⁰⁾ .	
(b) Gwirio—	£65 am bob awr gyflawn y mae arolygydd yn arfer y swyddogaeth.
(i) bod trefniadau rheoli cyflenwad dŵr y cyflenwr dŵr perthnasol yn cydymffurfio â'r canlynol—	
(aa) Rheoliadau Cyflenwi Dŵr (Ansawdd Dŵr) 2010;	
(bb) adran 37 o Ddeddf 1991 ⁽¹¹⁾ ;	
(cc) adran 68 o Ddeddf 1991; a	
(ii) bod y cyflenwr dŵr perthnasol wedi cydymffurfio ag unrhyw ofyniad gan Weinidogion Cymru i roi gwybodaeth am y trefniadau hyn o dan adran 202 o Ddeddf 1991.	

(8) O.S. 2010/994 (Cy. 99) fel y'i diwygiwyd gan O.S. 2011/14 (Cy. 7), 2013/235, 2013/1387 a 2016/410 (Cy. 128).

(9) Diwygiwyd adran 68 gan Atodlen 8 i Ddeddf Dŵr 2003 ac Atodlen 7 i Ddeddf Dŵr 2014.

(10) Diwygiwyd adran 202 gan: Atodlen 22 i Ddeddf yr Amgylchedd 1995 (p. 25), Atodlen 8 i Ddeddf Dŵr 2003, O.S. 2013/755, Atodlen 23 i Ddeddf Dadreoleiddio 2015 (p. 20), ac Atodlen 7 i Ddeddf Dŵr 2014.

(11) Diwygiwyd adran 37 gan adran 36 o Ddeddf Dŵr 2003.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>I</i>	<i>2</i>
<i>Y Swyddogaeth</i>	<i>Y Ffi</i>
<p>(c) Mewn perthynas â chyflenwr dŵr perthnasol—</p> <p>(i) ymchwilio i ddigwyddiad, achlysur, argyfwng neu fater arall pan fo unrhyw un o'r materion hynny yn dangos ei bod yn bosibl nad yw'r cyflenwr dŵr perthnasol wedi cydymffurfio â'r canlynol—</p> <p>(aa) Rheoliadau Cyflenwi Dŵr (Ansawdd Dŵr) 2010;</p> <p>(bb) adran 37 (dyletswydd gyffredinol i gynnal system gyflenwad dŵr etc.) o Ddeddf 1991;</p> <p>(cc) adran 68 o Ddeddf 1991;</p> <p style="padding-left: 2em;">a</p> <p>(ii) gwirio bod hysbysiad wedi ei roi am ddigwyddiad, achlysur, argyfwng neu fater arall o'r fath gan y cyflenwr dŵr perthnasol i gydymffurfio ag unrhyw ofyniad gan Weinidogion Cymru i roi gwybodaeth o'r fath o dan adran 202 o Ddeddf 1991.</p>	<p>£65 am bob awr gyflawn y mae arolygydd yn arfer y swyddogaeth.</p>
<p>(d) Mewn perthynas â chyflenwr dŵr perthnasol—</p> <p>(i) ymchwilio i gŵyn defnyddiwr ynghylch ansawdd neu ddigonolrwydd dŵr pan fo'r gŵyn yn dangos ei bod yn bosibl nad yw'r cyflenwr dŵr perthnasol wedi cydymffurfio â'r canlynol—</p> <p>(aa) Rheoliadau Cyflenwi Dŵr (Ansawdd Dŵr) 2010;</p> <p>(bb) adran 37 o Ddeddf 1991;</p> <p>(cc) adran 68 o Ddeddf 1991;</p> <p style="padding-left: 2em;">a</p> <p>(ii) gwirio y cydymffurfwyd ag unrhyw ofyniad gan Weinidogion Cymru i roi gwybodaeth am gwynion o'r fath o dan adran 202 o Ddeddf 1991.</p>	<p>£65 am bob awr gyflawn y mae arolygydd yn arfer y swyddogaeth.</p>

NODYN ESBONIADOL

(Nid yw'r nodyn hwn yn rhan o'r Gorchymyn)

Mae'r Gorchymyn hwn yn darparu i ffioedd fod yn daladwy, ac yn nodi sut y mae symiau ffioedd o'r fath i gael eu pennu, am arfer swyddogaeth gan arolygydd a benodir gan Weinidogion Cymru o dan adran 86 o Ddeddf y Diwydiant Dŵr 1991 (p. 56). Mae'r swyddogaethau yn ymwneud â'r ymchwiliadau a'r gofynion adrodd a ganlyn—

- (a) gwirio trefniadau samplu a dadansoddi dŵr;
- (b) gwirio trefniadau rheoli cyflenwad dŵr;
- (c) ymchwilio i ddigwyddiad, achlysur, argyfwng neu fater arall sy'n deillio o ansawdd neu ddigonolrwydd dŵr;
- (d) gwirio'r dull o ymdrin â chwynion gan ddefnyddwyr am ansawdd neu ddigonolrwydd dŵr a'r dull o adrodd ar y cwynion hynny; ac
- (e) gwirio cydymffurfedd â gofynion i roi gwybodaeth i Weinidogion Cymru ynghylch y trefniadau a'r materion hyn neu i'w hysbysu amdanynt.

Mae erthygl 4 yn dirymu Gorchymyn Cyrff Cyhoeddus (Cyflenwad Dŵr ac Ansawdd Dŵr) (Ffioedd Arolygu) 2012 (O.S. 2012/3101 (Cy. 314)).

Ystyriwyd Cod Ymarfer Gweinidogion Cymru ar gynnal asesiadau effaith rheoleiddiol. O ganlyniad, nid oes unrhyw asesiad effaith wedi ei lunio ar gyfer y Gorchymyn hwn gan nad oes unrhyw newid i bolisiâu, nac unrhyw effaith ar fusnesau na'r sector gwirfoddol yn cael ei rhagweld